





原件短缺

堯山堂外紀卷六十四

晉陵蔣仲舒編

宋遼金

東丹王突欲

遼太祖阿保機長子史名倍次曰堯骨後改名德光

後唐天成初遼主滅渤海改為東丹國以其長子

倍為東丹王其後述律后立次子德光東丹王

曰我危哉不如適他國以成泰伯之名遂立石

海上刻詩曰小山壓大山大山全無力羞見故

鄉人從此投外國遂越海歸中國唐長興六年也明宗賜姓名曰李贊華以莊宗妃夏氏妻之拜懷化軍節度使

東丹王有文才博古今其帆海奔唐載書數千卷習舉子每通名刺云鄉貢進士黃居難字樂地以擬白居易字樂天也尤工畫人物鞍馬世傳東丹王千角鹿圖李伯時嘗臨之黃北苑有跋云

趙延壽

仕後唐為樞密使清泰末陷契丹耶律德光用為丞相綜國事晉少主失政延壽道德光為亂凡數年之間盜有中夏實延壽贊成之力也

趙延壽將家子幼習武略即戎之暇時復以篇什為意嘗在虜庭賦詩曰黃沙風捲半空拋雲動陰山雪滿郊探水人迴移帳就射鴈箭落著弓杪鳥逢霜果饑還啄馬渡冰河渴自跑占得高原肥草地夜深生火折林稍南人聞者往往傳之

王徽高麗國主

高麗國與契丹爲鄰每因契丹誅求藉不能堪國主王徽常誦華嚴經祈生中國一夕忽夢至京師備見城邑宮闕之盛覺而慕之乃爲詩以記曰惡業因緣近契丹一年朝貢幾多般移身忽到京華地可惜中宵漏滴殘乃遣使朝宋時神宗元豐初也

韓繳如

高麗自太宗後久不入貢至元豐初始遣使來朝其後遂相沿不廢大觀間葉夢得爲館伴故事使人到闕不過月徽宗欲令觀殿試放牘遂畱七十日使者頗脩謹詳雅葉撫之甚厚將行餞之占雲館而別其副韓繳如馬上忽使人持一大玉帶贈葉云此實故物其家世傳以爲寶今以爲獻且于笏上自書一詩相別云泣涕沆瀾欲別離此生無復再來期謾將寶玉陳深意莫

忘思人見物時葉以高麗使故事無解換例力
辭之

韓正

遼右金吾
衛上將軍

燕北風俗不問士庶皆自稱小人宣和間韓正歸
朝授檢校少保節度使對中人以上說話即稱
小人中人以下即稱我家每日到漏舍誦天童
經數十遍其聲朗朗然且云對天童豈可稱我
自皇天生我皆改為小人云皇天生小人皇地

載小人日月照小人北斗輔小人前後二十餘
句凡稱我者皆改為小人誦畢贊笑云這天童
極靈聖王少師云若無靈聖如何持得許多小
人

趙良嗣

燕人馬植仕契丹至光祿卿行所而
內亂不齒於人童貫使至盧溝植謁

見言有滅燕之策貫載與俱歸易
姓名曰李良嗣薦諸朝賜姓趙氏

趙良嗣與土瓌使女真隨軍攻遼上京城破有詩
曰建國舊碑胡月暗興王故地野風乾回頭笑

向王公子騎馬隨軍上五鑿

上京乃契丹所請西樓實耶律氏之

成鑄豐沛五鑿乃上京殿名保機之故巢也

夫祚文妃

契丹自阿保機至夫祚九世亡

文妃喜文墨嘗作史詩以諷諫云丞相朝來劔佩

鳴千官欄日寂無聲養成寇盜謀將及害盡忠

良諫不行親戚盡連藩屏翰私門潛蓄爪牙兵

可憐二世秦天子猶向宮中望太平文妃被誅

後其子晉王亦以誦金受誅時稱母子俱賢

虞仲文

字質夫遼日為相歸金授樞密使

虞質夫四歲作雪花詩曰瓊英與玉藥片片落前

墀問着花來處東君也。不知時人目為神童

宇文虛中

字叔通自號龍溪老人宋黃門侍郎以奉使留金仕為翰林學士

旨密與高士談謀欲因金主宣郊天就劫殺之先以蠟書告宋俾為外應秦檜拒不

納事覺與其子師媛坐誅

宇文叔通四時迴文各三絕句短草鋪茸綠殘梅

照雪稀暖輕還錦褥寒悄怯羅衣春翠漣冰綻

日香徑晚多花。細笋抽蒲密。長條舞柳斜。春折
花幽檻小。傾酒綠杯深。蝶舞輕風曉。鶯啼老樹
陰。春翠密圍牕竹。青圓貼水荷。睡多嫌晝永。醒
少得風和。夏草徑迷深綠。蓮池浴膩紅。早蟬鳴
樹曲。鮮鯉躍潭東。夏暴雨隨雲驟。驚雷隱地平。
好風搖蓮透。輕汗挹綃清。夏晚日掀簾捲涼風。
覺袂搖遠吟。高興遣長醉。宿愁銷。秋短葦低殘
雨。虛舟帶晚潮。斷鴻歸暗浦。疎葉墜寒梢。秋感

感蒼吟苦。茫茫水驛孤。日銜山色暮。霜帶菊叢

枯。秋鶻健呼風急。烏啼促景殘。窟深宜兔蟄。蒲

折蔭魚寒。冬裂瓦寒霜重。鋪窻月影清。滅燈驚

好夢。孤枕念深情。冬秀栢畱陰綠。芳梅醮影斜。

溜簷冰結玉。裝樹雪飛花。冬

涇王許餉叔通以酒幾月不至叔通以詩促之曰

先生寂寞草玄文。正要侯巴作富鄰。客至但須

樽有酒。日高不怕甌生塵。急催嶺外傳梅使。來

餉籬邊採菊人。已掃明窻供點筆。爲君擬賦洞
庭春。

吳激字彥高。自號東山。宋宰臣拭之子。王履道外孫。而宋元章壻也。將命帥府。以知名。雷之仕。爲翰林待制。

吳彥高同兒曹賦蘆花云。天接蒼蒼渚。江涵裊裊花。秋聲風似雨。夜色月如沙。澤國幾千里。漁村三兩家。翻思杏園路。鞭裊帽簷斜。

吳彥高在燕山赴張總侍御家集。張出侍兒佐酒。

中有一人意狀摧抑可憐。扣其故乃宣和殿小宮姬也。因賦人月圓詞。紀之。聞者揮涕。其詞曰。南朝千古傷心事。猶唱後庭花。舊時王謝堂前燕子。飛向誰家。恍然一夢。仙肌勝雪。宮髻堆鴉。江州司馬青衫淚濕。同是天涯。時宇文叔通亦賦念奴嬌。先成而頗近鄙俚。及見此作。茫然自失。是後人有求作樂府者。叔通即批云。吳郎近以樂府名天下。可往求之。

吳彥高題風流子詞於燕山驛壁間曰書劍憶游
梁當時事底處不堪傷。蘭楫嫩漪向吳南浦。杏
花微雨窺宋東墻。鳳城外。燕隨青步障。絲惹紫
游韁。曲水古今。禁烟前後。暮雲樓閣。春草池塘。
回首斷人腸。年芳但如霧鏡髮成霜。獨有蟻
尊陶寫。蝶夢悠揚。聽出塞琵琶。風沙浙瀝。寄書
鴻鴈。烟月微茫。不似海門潮信。能到潯陽。靖康
中原為虜地當時高人勝士陷沒者不少紹興
庚申辛酉河南關陝暫復有自關中驛舍壁間

得詩二絕云鞞鼓轟轟聲徹天中原盧井半蕭
然鶯花不啻興亡事救點春光似去年又云渭
平沙淺鴈來棲渭漲沙移鴈不歸江
海一身多少事清風明月淚霑衣

吳彥高在會寧府遇老姬善琵琶自言梨園舊籍
因有感而賦春從天上來詞曰海角飄零嘆漢
苑秦宮。隆露飛螢。夢回天上。金屋銀屏。歌吹競
舉青冥。問當時遺譜。有絕藝鼓瑟湘靈。促哀彈。
似林鶯。嘒嘒山溜泠泠。梨園太平樂府。醉幾
度春風。鬢髮星星。舞徹中原。塵飛滄海。風雪萬

里龍庭寫胡笳幽怨人憔悴不似丹青酒微醒
一軒涼月燈火青螢王防禦玉說此詞句句用琵琶故實

吳彥高又有訴衷情詞云夜寒茅屋不成眠殘月
照吟鞭黃花細雨時候催上渡頭船鷗似雪水
如天憶當年到家應是童稚牽衣笑我華顛

蔡松年

字伯堅官至尚書右丞相鎮陽別業有蕭閑堂自號蕭閑老人二字珪字正甫璋字持甫俱第進士號稱文章家正甫七歲賦菊詩語意驚人擢第後不赴選調求未見書讀之其辯博為天下第一遂為金源文宗特甫非其比也恩州桑維字

之才伯堅之壻亦有才名

金源百年間樂府推蔡伯堅與吳彥高號吳蔡體

其大江東去乃樂府中最得意者離騷痛飲問

人生佳處能消何物江左諸人成底事空想岩

岩青壁五畝蒼煙一丘寒玉歲晚憂風雪西州

扶病至今悲感前傑我夢卜築蕭閑覺來岩

桂十里幽香發魄磊胃中冰與炭一酌春風都

滅勝日神交悠然得意離恨無毫髮古今同致

永和徒記年月

伯堅在涼陘作聲聲慢寄內云青蕪平野小雨千
峯還成暮陘寒色裁剪芸窻憶得伴人良夕遙
憐幾重眉黛恨相逢少於行役梨花淚正宮衣
春瘦曉紅無力應恠浮雲夫婿不解趁新醅
醉眠涼月怨入關河西去又傳音息誰知倦游
心事向來年苦思泉石人未老約間峯多占秀
碧。

蔡伯堅又有鷓鴣天二闕云解語宮花出畫簷酒
尊風味爲花甜誰憐夢好春如水可奈香餘月
入簾春漫漫酒厭厭曲終新恨到眉尖此生
願化雙瓊柱得近春風煖玉纖秀樾橫塘十
里香水花晚色靜年芳胭脂雪瘦薰沉水翡翠
盤高走夜光山黛遠月波長暮雲秋影蘸瀟
湘醉魂應逐凌波夢分付西風此夜涼

蔡正甫畫眉曲云樓外春山幾點螺樓頭望處染

雙蛾不知深淺隨宜否。却倩菱花問。眼波纖葉
斜橫。蜀柳條。拂成風思。自妖嬈。元和才子才猶
拙。只對春風詠舞腰。

并門自古無竹。李文旣嘗一植之。歷宋數百年。寺
僧日爲平安報。其難可知矣。大定間。蔡正甫由
禮部郎出守濰州。乃于官舍東堂種碧蘆。以寄
意。因作長短句。曰：青君那肯顧寒鄉。試着葭蘆
擬汶篁。有若何堪。子虎貴猶想見中郎色。

添新雨。簾櫳好聲入。微風枕簟涼。他日東堂慙
政拙。只將此物當甘棠。

王溫季自北都歸過正甫於三河。坐中賦江城子
曰：鵲聲迎客到庭除。問誰歟。故人車。千里歸來
塵色半。征裾。玳重。主人畱客意。奴白飯。馬青莠。
東城八眼杏。千珠雪。模糊俯平湖。與子花間

隨分倒金壺。歸報東垣詩社友。曾念我醉狂無

金初文士如宇文叔通。蔡伯堅。吳彥高等。不可
不謂豪傑之士。然皆宋儒。難以金源文派論之。

故斷自正甫為宗党竹谿次之趙開開又
吹之自蕭真卿倡此論一時無異議云

桑之才白髮詩曰白髮近年見十中三兩莖半因

愁。僣出多為病。添成梳裏有時落。鑷餘還又生。

老知無可避。何處是功名。

高士談

字子文一字季默宋韓武昭王瓊之
後宣和末任忻州尹曹仕金為翰林
直學士皇統初預宇文大
學之禍子公振字持夫

高子文棣棠詩云閉庭分植占年芳。裊裊青枝淡

淡香。流落孤臣那忍看。十分深似御袍黃。楊花

詩云來時官柳萬絲黃。去日飛毬滿路傷。我比

楊花更飄蕩。楊花只是一春忙。

蔡伯堅有詠茶好事近詞云天上賜金奩不減壑

源三月午。盃春風纖手看一時如雪。幽人只慣

茂林前。松風聽清絕。無奈十年黃卷。向枯腸搜

徹。高子文和云誰打玉川門。白絹斜封團月晴。

日小。牕活火響一壺春雪。可憐桑苧一生顛。文

字更清絕。直擬駕風歸去。把三山登徹。

堯山堂外紀卷六十四

高特夫詩有家學題裴氏西園云簿領沉迷倦不
禁偶從名勝此幽尋竹陰疎處見潭影人語定
時聞鳥音陳跡謾畱千古恨歡遊聊慰十年心
多情一片梁園月送我垂鞭出上林

馬定國

字子卿荏干
人號薺堂

馬薺堂少日志趣不凡宣政末題詩酒家壁云山
杏山桃取次開紅紅白白上樓臺移將海底珊
瑚樹乞與人家也不栽用是得罪亦用是得名

劉豫既受金冊立為齊帝遂僭建元阜昌時薺堂
游歷下亭以詩撼之云男子當為四海遊又携
書劍客東州煙橫北渚芰荷晚木落南山鴻雁
秋富國桑麻連魯甸用兵形勢接營丘傷哉不
見桓公業千古遶城空水流豫召與語大悅授

監察御史

崇寧間望氣者上言景州阜城縣有
天子氣甚明徽宗弗之信既而方士

之幸者頗言之有詔斷支隴以泄其所鍾居一
年猶云氣故在特稍晦將為偏閏之象而不克
有終至靖康偽楚張邦昌之立踰月而釋位逆
豫既僭遂改元阜昌且祈于金酋調了繕治其

故嘗夷鏟者力役彌年民不堪命亦不免於廢二僭皆阜斌人卒如所占云

朱之才

字師美洛西人宋崇寧間登科入齊為諫官

朱師美題周昉所畫欠申美人圖云巫峽昭君有奇色毛生欲畫無由得但作東風背面身看來已可傾人國朝來睡起鬢髮垂手如春笋領蟠嶢繡帷幽夢斷難續想像翠黛顰修眉春光三月濃於酒燕燕雙飛鶯喚友不教膩臉露桃花且喜腰肢似楊柳君不見漢宮多病李夫人轉

面不顧君王。嗔古來畫工畫意亦自足。煙霧玉質何由真。

翟欽甫

金初人

有衆飲清菴中。翟欽甫偶至衆不識其能詩。俾賦清菴欽甫故拙起句云爲問清菴何以清衆拍手大笑及賦第二句霜天明月照蓬瀛衆失色。連賦廣寒宮裏琴三弄白玉樓頭笛一聲金井玉壺秋水冷石田茅屋暮雲平夜來一枕遊仙

夢十二瑤臺。獨自行。衆愧謝。延之上座。

堯山堂外紀卷六十五

晉陵蔣仲舒編



宋金

廢主亮

嘗自製尖鞞頭極長。錢云：便於輻而足，指所不及，謂之不頭。又為短鞞，僅存其半，謂之沒下。稍其後，渝盟犯順，果為其下所戕，死于江上。大定初，降封海陵。

海陵初封岐王，為平章政事，頗知書，好為詩詞語。

出輒崛彊，恣恣有不為人下之意。嘗以事出使。

道驛有竹，輒詠之曰：孤驛瀟瀟竹一叢，不同凡。

卉媚春風我心正與君相似只待雲稍拂碧空
又書壁述懷云蛟龍潛匿隱滄波且與蝦蟆作
混和等待一朝頭角就撼搖霹靂震山河既而
過汝陰復作詩曰門掩黃昏染綠苔那回蹤跡
半塵埃空亭日暮烏爭噪幽徑草深入未來數
仞假山當戶牖一池春水遠樓臺繁花不識興
亡地猶倚欄杆次第開又一日至卧內見其妻
几間有巖桂植瓶中索筆賦曰綠葉枝頭金縷

裝秋深自有別般香一朝揚汝名天下也學君
王著赭黃

海陵既篡位一日閱柳耆卿望海潮詞欣然有慕
於三秋桂子十里荷花遂起投鞭渡江之志乃
密隱畫工於奉使中寫臨安湖山以歸既進繪
事大喜亟命撤坐間軟屏更設所獻而於吳山
絕頂貌已之狀策馬而立題其上曰萬里車書
盡混同江南豈有別疆封提兵百萬西湖上立

馬吳山第一峰

淳熙間謝處厚有詩云誰把杭

知卉木無情物牽動長江之愁然卒為金主送死之媒
卿詞雖牽動長江之愁然卒為金主送死之媒
未足悵也至於荷艷桂香粧點湖山清麗使士
夫流連歌舞遂忘中原是則深可恨耳因和其
詩云殺胡快劍是清謳牛渚依然一片
秋却恨荷花留玉輦竟忘烟柳汴宮愁

海陵南侵之議既決太后徒單氏數以言諫海陵

不悅遂弑之是歲中秋待月不至賦鵲橋僊曰

停盃不舉停歌不發等候銀蟾出海不知何處

片雲來做許大通天陣礙虬髯撚斷星眸睜

裂惟恨劔鋒不快一揮截斷紫雲腰子細看端

娥體態

海陵大舉南侵使御前都統驃騎衛大將軍韓夷

耶將射鵬軍二萬三千圍子細軍一萬先下兩

淮臨發賜所製喜遷鶯以為寵曰旌麾初舉正

駢駢力健嘶風江渚射虎將軍落鵬都尉繡帽

錦袍翹楚怒礫戟髯爭奮捲地一聲鼙鼓笑談

頃指長江齊楚六師飛渡此去無自墮金印

如斗獨在功名取斷鎖機謀。垂鞭方略。人事本
無今古。試展卧龍韜韞。果見成功。且莫問江左。
想雲霓望切。玄黃迎路。

海陵至瓜洲。詔諸將約以三日濟江。否則盡殺之。
軍士危懼。比又聞曹公烏祿卽位於遼陽。遂共
謀殺之初亮。入寇有人以焦貢易林筮遇解之。
大壯其辭曰。驕胡火形造惡。作凶無所能成。遂
自滅身。其親切應驗如此。

劉瞻

字崑老。自號柳寧居士。
天德三年南陽登科。

劉崑老作詩工於野逸。春郊詩云。桑芽粒粒破春
青。小葉迎春未展。成寒食歸寧。紅袖女。外家紙
上看。蚕生又賦所見云。傾歌石片插漣漪。上有
蕭蕭楊柳枝。藻荇半浮苔半濕。浣紗人去不多
時。

王寂

字元老。薊州人。
天德三年進士。

王元老題易足齋云。吾愛吾廬事事幽。此生隨分

得優游窮冬夜話蒲團暖長夏朝眠竹簟秋一
榻蠹書閑處看兩盃薄粥飽時休紅旗黃紙非
吾事未羨元龍百尺樓

王元老先人有鷄山詩云記得垂齧此地遊鷄山
孤立水平流而今重過山前路山色青青人白
頭

趙可

字獻之貞元二年進士自號玉峯散人

趙獻之風流有文采其鷓鴣天詞云金絡閑穿御

路揚青旗遙認醉中鄉可人自有迎門笑下馬
何妨索酒嘗春正好日初長一尊容我駐風
光歸來想像行雲處薄雨霏霏洒面涼又十
頃平波溢岸青草香沙煖水雲晴輕衫短帽垂
楊裏楚酒相看別有情揮彩筆倒銀瓶花枝
照眼句還成老來漸減金釵興田施春光與後
生

鄭景純

子明

少有賦聲其咏醪醪有玉斧無人解

修月珠裙有意欲留仙之句甚為詩家所稱天
德三年景純第三人登科士論仍以為屈而海
陵不之許也正隆二年詔景純再試擇能賦者
八人先以題付之以困景純及開卷景純第一
海陵終不以為工與被黜者兩罷之趙獻之賀
啓云丹桂一枝不失舊物青錢萬選無媿古人

孟宗獻

字友之開封人鄉府省御四試皆第一

孟友之雪燭詩固知劫火終無盡誰謂清冰也自

焚未幾丁母憂哀毀致卒前數夕有星隕於所
居虛靜軒高特夫挽云誰謂詩成識清冰果自
焚人嗟埋玉樹天為落文星孔嗣訓挽云二十
年間事才名一夢新衰羸驚喪母哀毀竟亡身
魂返愁楓夜情留淚草春黃公酒爐在此去只
悲辛

景覃

字伯仁華陰人自號涓濱野叟大定初
三赴簾試後以病不就舉與白水段子

新友善段名繼昌
自號適安居士

景伯仁鳳栖梧詞曰倦客情悰紛似縷小院無人
卧聽秋蟲語歸意已攬新鴈去晚涼更作瀟瀟
雨。

段子新家甚貧而世間事皆不以挂口有以錢遺
之者必盡送酒家名酒曰黃嬌蓋關中人謂兒
女曰阿嬌子新以酒比之故云一日天苦寒人
有遺之酒者飲不盡而醉夜半忽驚起以衣衾
覆酒缸僵卧榻上人為言酒自不冰先生將不

為寒所病乎子新笑曰人病酒可醫酒病不可
療也其好飲如此臨終辭鄉里託以他適明日
卧于党氏園亭大石上視之已逝矣景伯仁吊
之云適安居士舊知聞廓達靈根厭世紛辭罷
親朋便歸去一籌今日又輸君

段子新嘗讀紀信傳有感賦詩曰鹿走中原兩虎
爭榮陽圍解事堪驚當時拔劍論功者失口何
人說紀生

党懷英

字世傑號竹谿宋太尉進士一代孫與濟南辛幼安同師蔡伯堅筮仕決以著辛得離決意南歸党得坎遂留事金

党竹谿應制賦粉紅雙頭牡丹曰春意應嫌芍藥
遲一枝分秀伴雙蕤並肩翠袖初酣酒對鏡紅
粧欲聞竒曉日倚闌同妬艷東風拾翠兩駢眉
更看散作人間瑞萬里黃雲麥兩岐

宋真宗朝石曼卿通守昫山遣人以泥封桃李核
彈之崑石中其後花開滿山又嘗携妓飲山之

石室間鳴絃為冰車鐵馬聲党竹谿過昫山為
詩弔曼卿曰城頭山色翠玲瓏尚憶清狂四飲
翁鐵馬冰車斷遺響桃花石室自春風生平詩
價千鈞重身後仙遊一夢空相見蓬萊水清淺
芙蓉城闕五雲中

党竹谿咏茶青玉案詞曰紅莎綠蕩春風餅趁梅
驛來雲嶺紫柱崖空瓊竇冷佳人却恨等閑分
破縹緲雙鸞影一甌月露心魂醒更送清歌

助清興。痛飲休辭。今夕永。與君洗盡。滿襟煩暑。別作高寒境。

党竹谿感皇恩詞賦。疊羅花曰碧玉。撚條藍袍裁。葉明艷。黃深軟。金疊道裝。仙子謫墮。蕊珠僊闕。為春閑管領。花時節。漢額粧穠。楚腰舞怯。襞積裙餘。舊宮褶。東君着意。留伴小庭風月。任教鷓鴣喚。群芳歇。

王庭筠

字子端。讀書黃華山寺。因號黃華山主。工詩能文。書學米元章。尤善山水。

墨竹

王子端初歷州縣。用薦者供奉翰林。承安中為言事者所累。獄中見燕賦詩曰。笑我迂疎觸禍機。嗟君底事入圜扉。落花吹濕東風雨。何處茅簷不可飛。

王子端平生愛天平黃華山水。其題黃華山一首頗有太白聲調。詩曰。掛鏡臺西掛玉龍。半山飛雪舞天風。寒雲直上三千尺。人道高歡避暑宮。

黃華采蓮曲云南北湖亭競采蓮吳娃嬌小得人
憐臨行折得新荷葉却障斜陽入畫船

黃華書西齋壁云世事雲千變浮生夢一場偶然
攜拄杖來此據胡床有雨夜更靜無風花自香
出門多道路何處覓亡羊

黃華賦玉簪謁金門詞曰秋蕭索燈火新涼簾幕
翠被不禁臨曉薄南樓聞畫角想見玉壺水
夢一夜西風開却夢覺鳥啼殘月落幽香無處

着

王明伯黃華猶子也幼歲學書書家卽稱賞之性
倜儻膂力絕人嘗有詩曰釣鰲公子鐵心胸興
在三山碧海東千尺雲帆已高揭不知何日得
秋風死于鄧州年末四十

遼陽張仲澤

汝霖

春溪詩云黯黯春愁底處消小

桃無語半含嬌東風不管前溪水暖綠溶溶拍
畫橋高仲常憲元夕無燈詩云九陌無燈夜悄

然小紅時見點春烟多情惟有梅稍月拍酒樓
頭照管絃仲常黃華之甥黃華又仲澤之甥其
淵源有自云

高仲常自言於世味澹無所好唯生死文字間而
已有梅花引二首其詞曰蒿火目藜羹腹書生
寧有封侯骨長須奴卜澤車艱閑險阻誰教涉
畏途半生落莫長安道一事無成雙鬢老南轅
胡北轅吳功名富貴情知不可圖
槐堂夢鼓

笛美馳驟百年塵一闕陶淵明張季鷹一盃濁
酒焉知身後名有溪可漁林可繳須信在家貧
也樂熊門春淇江雲幾時作箇山間林下人

蕭貢

字真卿咸陽人天
定十九年進士

蕭真卿博學能文不減蔡正甫嘗擬迴文四章曰
春波綠處歸鴻過夜月明時飛鵲愁人去附書
將恨寄暮山雲斷倚高樓樓上却來樓下待
晚窻春盡斷回腸愁人有說嫌人問淚酒新詩

掃墨香。風慢半縈香篆細。碧窻斜影月。紅燈夜對愁魂夢。老盡春庭滿樹花。萋萋碧草連天遠。杳杳行人幾日迴。淒雨晚涼空坐久。淚粧殘暈濕紅腮。

火山瑩禪師隩州白氏岐山令君舉樞判文舉弟也。棄家為佛子。自幼有詩名。河東嘗有詩云。十日柴門九不開。松庭雨後滿蒼苔。草屨挂起。跏趺坐。消得文殊更一來。歸寂後。客有持其集示

真卿者真卿題云。長短都歸一。夢中身。前身後。尚無窮。李愔信士。今如在。定向江湖訪澤公。

劉昂

字之昂。興州人。大定十九年進士。泰和間。又有劉昂。字濟霄者。以先有劉昂號

小劉之昂

劉之昂醉後詩曰。神僧勸讀傳燈錄。道士教行進火功。今日興來俱破戒。黃花籬落醉西風。歌風臺詩曰。劉頂興亡轉燭過。亂蟬吟破漢山河。長陵卧老咸陽月。沛上猶傳擊筑歌。山中雨詩曰。

嵩高山下逢秋雨破傘遮頭水沒腰此景此時

誰會得清如窓下聽芭蕉

祝枝山誦此詩嘗舊其上下淋漓清在何

處時海鹽沈生因誦離騷經兩得二句曰叢蘭
芳芷蒹葭東臯間步春風讀楚騷然下韻不接因
又思誤墜屋下人方驚扶乃曰好也好也逐歌
曰忽憶靈均發憂憤墜崖幾拆沈郎腰因思古
今未嘗無對傾跌傷體
寧無痛楚尚曰好耶

張秦娥者頗能小詩其賦遠山云秋水一抔碧殘

霞幾縷紅水窮霞盡處隱隱兩三峯其後流落

劉之昂贈詩云遠山句好畫難成柳眼才多總

是情今日衰頤人不識倚爐空聽煮茶聲又云

二頃山田半欲蕪子孫零落一身孤寒窻昨夜

蕭蕭雨紅日花稍入夢無秦娥為之泣下

宋開禧間韓侂胄欲立蓋世功名以自固乃定議

伐金金元帥紇石烈子仁領兵駐濠梁時小劉

之昂作樂章一闕大書於濠之倅廳壁間名上

平南其詞云蠶鋒搖螳臂振舊盟寒恃洞庭彭

蠡狂瀾天兵小試百蹄一飲楚江乾捷書飛上

九重天。春滿長安。舜山川。周禮樂。唐日月。漢
衣冠。洗五州妖氣。閔山已平。全蜀風行。何用一
泥丸。有人傳喜。日邊都護先還。

趙秉文

字周臣號閑閑德陵嘗賜公所服丹
朝紅滿面公先壬辰之變以禮部尚
書學士丞旨卒於
第人以為天幸

閑閑公為上清宮道士寫經并以所養鵝群付之
揚雲翼紀以詩曰會稽筆法老無塵今代閑閑
是後身只有愛鵝緣已盡舉群還付向來人

泰和初閑閑公知平定擬栩仙人王雲鶴往謁之
贈詩云寄語閑閑傲浪仙枉將詩酒污天全黃
塵遮斷來時路不到蓬山五百年因言唐世大
夫五百人皆仙人謫降中有為世味所著迷而
不及者如公與我皆是也他日玉龜山人謂公
云子前身赤城子也公因以詩記之云玉龜山
下古仙真許我天台一化身擬折玉蓮騎白鶴
他年滄海看揚塵又趙禮部庭玉說丹陽子謂

公再世蘇子美也公聞之曰赤城子則吾豈敢
若子美則庶幾焉因作水調歌頭以寄意云四
明有狂客呼我謫仙人俗緣干劫不盡回首落
紅塵我欲騎鯨歸去只恐神仙官府嫌我醉時
嗔笑拍群仙手幾度夢中身倚長松聊拂石
坐者雲忽然黑霓落手醉舞紫毫春寄語滄浪
流水曾識閑閑居士好為濯冠巾却返天台去
華髮散麒麟

閑閑公青杏兒詞曰風雨替花愁風雨罷花也應
休勸君莫惜花前醉今年花謝明年花謝白了
人頭乘興兩三甌揀溪山好處追遊但教有
酒身無事有花也好無花也好選甚春秋

王中立

字湯臣號擬翔
晚年易名雲鶴

王擬翔少日治易有聲場屋間累舉不第賦詩曰
學劔攻書謾自竒回頭三十六年非春風萬里
衡門下依舊并州一布衣

王擬栩家豪於財賓客日滿門待之備極豐腆其
自奉則日食淡湯餅一杯而已年二十四喪妻
遂不更娶亦不就舉選齋居一室枯淡如衲僧
如是三四年乃出時人覺其談吐高濶詩筆字
畫皆超絕若有物附之者問之不言也一日來
都下館閑閑公家中秋夜飲酒賦詩且就公索
墨水一椀公如言與之明且不造而去壁間留
龜鶴二字廣長一丈而墨水具在不知以何物

書之朝士來觀者車馬填咽都下競傳王先生
仙去矣久之先生從外至問二字以何物書不
答題詩其旁云天地之間一古儒醒來不記醉
中書旁入錯比神仙字只恐神仙字不如

擬栩平生詩甚多有醉袖舞嫌天地窄詩情狂壓
海山平之句他亦補此雜詩云華山宮殿白雲
封不見當年打睡翁貪看終南山色好不知紅
日下前峯 獨跨蒼虬下太清春風萬里月華

明因君感激為君說鑿破天機我也驚
雲葉
粼粼皴碧空笙簫遞響入天風忽驚風浪耳邊
急不覺形神來世中
此生休更問浮名名利
區區不甞停我有一丸天上藥用時還解濟蒼
生

堯山堂外紀卷六十五終

堯山堂外紀卷六十六

晉陵蔣仲舒編

宋金

章宗璟

喜文學善書畫宋徽宗嘗以蘇合油
搜煙為墨章宗僅購得一兩價黃金
一觔欲放
為之不能

章宗建梳粧臺於都城東北隅與李妃登焉得句

云二人土上坐妃即對曰一月日邊明時皆以

警妙誇之

今京師禁中瓊花島梳粧臺皆金
故物也臺今訛為蕭太后梳粧樓

雲龍川泰和殿五月開牡丹章宗賦詩曰洛陽穀
雨紅千葉嶺外朱明玉一枝地力發生雖有異
天公造物本無私

燕京西七十里有仰山峯巒拱秀中有平頂如蓮
花心旁有五峯曰獨秀翠微紫蓋妙高紫微下
多禪刹章宗游幸有詩刻石金色界中堯率景
碧蓮花裏梵王宮鶴鷺清露三更月虎嘯疎林
萬壑風

章宗題扇蝶戀花詞曰幾股湘江龍骨瘦巧樣翻
騰疊作湘波皺金縷小鈿花草鬪翠條更結同
心扣金殿珠簾閑永晝一握清風暫喜懷中
透忽聽傳宣須急奏輕輕褪入香羅袖

明昌初有劈橙爲軟金盃者章宗賦生查子詞曰
風流紫府卽飲痛烏紗岸柔軟九回腸冷怯玻
璃盃纖纖白玉葱分破黃金彈借取洞庭春
飛上桃花面

馬嵬坡太真墓題咏甚多。惟武功杜真卿一詩極為婉麗。楊柳依依。水拍堤。春晴茅屋燕爭泥。海棠正好東風惡。狼籍殘紅襯馬蹄。遂城高德卿亦有詩曰。事去君王不奈何。荒墳三尺馬嵬坡。歸來枉為香囊泣。不道生靈淚更多。道陵詔錄馬嵬詩得五百餘首。付詞臣第之。真卿詩在高

等

杜名任阜昌中登科高名有鄰大定進士

趙淵

字文孺時人以其書配党懷英號曰党趙

道陵中秋賞月。瑤光樓召趙黃山對御賦詩。以清字為韻。黃山賦曰。秋氣平分。月正明。蕊珠宮闕對蓬瀛。已驅急雨消殘暑。不遣微雲點太清。簾外輕風飄桂子。夜深涼露滴金莖。聖朝不奏霓裳曲。四海歌謳卽樂聲。道陵讀至落句。大加賞異。手酌金鍾以賜。且呼其字曰文孺。以此鍾賜汝作酒。直士林榮之。

僊和尚坐脫趙黃山題云。識得從來覺性圓。西歸

隻履更翛然。永嘉穩步曹溪路。臨濟飽參黃柏
禪。桶底脫時無一物。機輪轉處有三玄。火中留
得一莖草。依舊光明爍大千。

周昂

字德卿。開闢公嘗集黨承旨趙黃山路
司諫劉之昂尹無忌王逸賓與德卿七
人詩刻木以傳目
為明昌詞人雅製

虞鄉麻氏構小齋榜曰醉經周昂為題絕句云詩
書讀破自融神。不羨雲安麴米春。黃卷至今真
味在。莫將糟粕待前人。

完顏永貞金宗室也。時稱賢宰相。自號冷岩。周昂
為賦冷巖行曰。或為孟。或為鐘。人心自異。山本
同。天清雲遠望不極。小孤宛在江流中。澗之毛
可篋。筓山之木可斤斧。唯有白雪高崔嵬。風吹
不消自太古。峴山何奇。羊子所攀。東山何秀。謝
公往還。今爾胡為籍。甚乎人間。于差乎冷山。

田琢

字器之。雲朔人。
明昌五年進士

明昌丙辰田器之從軍塞外合虜里山野舍不勝

荒涼春末有雙燕亦巢此屋土人不識屢欲捕
之田曲爲全護其燕晝出夜歸田必開戶待之
忽一日飛止坐隅都無驚畏巧語移時不去田
意謂明日秋社此鳥當歸殆留別語也因作一
詩贈之云幾年塞外歷崎危誰謂烏衣亦此飛
朝向蘆陂知有爲暮投茅舍重相依君怜我處
頻迎語我憶君時不掩扉明日西風悲鼓角君
應先去我何歸此詩以細字寫之爲蠟丸繫於

燕足上明年四月田受代歸又八年泰和甲子
任潞州觀察判官四月十二日偶坐廨舍之舍
翠堂忽雙燕至一飛簷戶間一上硯屏田諦視
之繫足蠟丸故在乃知此鳥蓋往年贈詩者也
因請同年龐才卿鑄畫爲圖求諸公賦詩才卿
爲長歌曰田君才畧燕雲客少年累有安邊策
悔從筆硯取功名直要橫馳沙漠北塞垣春雪
白皚皚東風未放玄陰開烏衣之國定何許一

雙燕子能飛來三年驛舍安西道眼底鶯花無
夢到忽見低飛入短簷此身似向邯鄲覺君居
海東我中原相逢乃在穹廬前天涯流落俱爲
客感時念遠空潛然長安何限高高閣晝夜風
閑開翠幕底事猜嫌不往依其從此地風沙惡
土人嗜肉無仁心一生弋獵誇從禽有巢幸穩
勿浪出汝身未必輕千金朝來暮去益昵狎物
我相忘情意一但怪重裘積漸添元是西風催

社日須知音巧惟鷓鴣勿來坐偶如告辭我方
留寓未歸得爲君忍賦傷心詩詩成自述聊爲
戲繫足封之亦無意燕已歸飛我未歸乃斗聲
中忽驚歲旄頭夜落妖氛收嫖姚獻凱歸神州
玉闕早喜班超入北海不聞蘇武留君才經世
寧終枉幕府須賢來上黨別後歸期兩及瓜人
間秋燕十來往沉沉官舍紅芳稀葛衣燕居澹
忘機忽聞巧語入簷戶大似相識來相依一飛

簷外窺庭樹一上屏山驚不去解足分明得帛
書真是當年留別句天生萬物禽最微固耶偶
耶吾不知古道益遠交情醜朝恩暮怨雲遷移
當時握手悲別離一旦富貴棄如遺聞予燕歌
應自疑慎無示之嗔我譏揚之美雲翼詩云危
巢客舍久相依常記西風社日歸海國傳心千
驛隔塞垣回首十年非新詩尚在人空老舊夢
無憑鳥自飛寄語齊諧休志怪沙鷗相款解忘

機李欽叔獻能詩云塞上風光已十霜仁心覆
護獨難忘當時相送詩仍在此日重來話更長
客舍花開新信息雲堦香冷舊昏黃主人得報
君知否千古珠璣在錦囊

孫鐸

字振之恩州人天
定十三年進士

明昌中孫振之擢戶部尚書時已有相望及考滿
以戶曹繁重未有可代者特旨進一官再任而
同列二人俱入相矣振之賀席中戲舉青州老

柏院布衣張在詩云南鄰北里牡丹開公子王
孫去不回惟有庭前老柏樹春風來似不曾來
爲御史所劾降授同知河南府事有以詩送之
者云想到洛陽春正好南鄰北里牡丹開聞者
皆大笑

李純甫

字之純承安中進士性嗜酒未嘗一
日不飲亦未嘗一飲不醉眼花耳熱

後人有發其談端者
傾河馮江無有窮竭

李屏山中歲徧觀佛書能悉其精微嘗賦其雜詩

云顛倒三生夢飛沉萬劫心乾坤頭至踵混沌

古猶今黑白無真色富商豈至音維摩懶開口

枝上一蟬吟乾坤大聚落今古小朝昏諸子

蠅鑽帝羣雄虱處禪一心還入道萬物自歸根

却笑幽憂客空招楚些魂丹鳳翔金鼎蒼龍

戲玉池心源澄似水鼻息細於絲枕上山川好

壺中日月遲神仙學道者那許小兒知空譯

流沙語難叅少室禪泥牛耕海底玉犬吠雲邊

仰嶠圓茶夢。曹山放酒顛。書生眼如月。休被衲
僧穿。狡兔留三窟。獼猴戲六窓。情田鋤宿草。
心月映澄江。酒戒何曾破。詩魔先已降。雄蜂雌
蛺蝶。正自不成雙。

屏山學佛自史舜元發之張伯玉高獻臣二人並
不平禪解張有登樓詩云昨日上高樓西山翡翠
堆今日上高樓西山如灰想見屏山老瘵
飢西山隈食却西山色高樓空崔嵬高有壺溪

詩云我觀壺盧溪未易以蠡測大若溪上翁有
口吸不得壺中別是一洞天溪上翁卽壺中仙
畢竟人間無着處杖頭挑取屏山去屏山乃作
爲蟬解嘲詩曰老蟬破衲染塵縑轉丸如轉造
物兒道在矢溺傳有之定中幻出嬋娟姿金仙
未解羽人尸。吸風飲露巢一枝。倚杖而吟如惠
施。字字皆以心爲師。千偈瀾翻無了時。關鞬不
落詩人詩。屏山叅透此一機。髯弟皤兄何見疑

此理入玄人得知。髯弟恐我食却西山秀。皤兄
勸我吸却壺盧溪。因蟬倩我問渠伊。快掉葛藤
復是誰。髯弟絕倒皤兄嘻。

屏山題真味堂曰。問渠真味若爲言。不着鹽梅也。
自全。鼂鼎大夫徒染指。麴車公子漫流涎。胃中
已有五千卷。徽外更聽三兩絃。此老清饒何所
嗜。宦名嚼蠟已多年。

許古

字道真承
安中進士

許道真在宣宗朝以直言極諫稱哀宗卽位首命
驛致之過少室賦詩曰老病無堪合退休伊川
久已得菟裘如今又上長安道好被青山笑白
頭未幾乞身還伊陽郡守爲起伊川亭

道真性嗜酒每乘舟出村落間留飲或十數日不
歸及沂流而上老稚奔走爭爲之挽舟數十里
不絕嘗賦眼兒媚詞曰濁醪筍得玉爲漿風韻
帶橙香持盃笑道鵝黃似酒酒似鵝黃世緣

老矣不思量。沉醉又何妨。臨風對月。山歌野調
儘我踈狂。

王或

字子文自號照了居士
後改名知非字無咎

崇寧間王子文棄官去往來登封盧氏山中初出
京有詩云親踈俱穩人倫了婚嫁齊成俗意周
一筆盡鉤塵債斷都無虧欠大家休休休休愛
着何時是徹頭風息浪平人已渡笑携明月下
孤舟。太原助教張世寧既卒神降其妹歌曰休
休休偷得休時便好休歡喜冤家無徹頭

與或詩
頗云

王子文居盧氏山二十年布衣蔬食并曰自親時
人哀苦之而子文處之自若有詩云撒手寧論
萬丈崖脚跟未肯點塵埃東君也自魔君數故
着青紅眼底來來何遲去何早二五不多十不
少一聲柄木徧虛空誰識堂堂真照了。

王子文既學佛作決定歌禪家以為證道新豐之
後無有及者贈安居士國寶云不招措大嗔不

喚王子文不惹禪和笑。不名王照了。他人怕人
嫌。照了要人嫌。人人有面樹。有皮努力。方便勤
粧嚴。粧嚴也由賢。不然也由賢。鼻孔莫遣他人
穿。又荅國寶云。幻人誰拙。復誰能。遊戲何妨。傀
儡。兀事不堪。君莫怪。儂家面目得人憎。

董文甫

字國華。自號無事道人。與王天
用。良臣。皆潞人。同舉承安進士。

董國華題審是堂云。按劍人人駭。夜光蜀鷄合道
勝。鸞凰飛蛾可是無。分別直道油燈是太陽。

正大中董國華以公事至杞縣。自知死期。作書與
家人及同官。又作詩貽杞令佐。詩畢擲筆於地。
以扇障面而逝。其詩曰。無情真主沒錢僧。送上
城南魚事人。檢盡傳燈無盡錄。更無公案這番
新。生有地。死有處。萬牛不能移一步。一輪明
月印天心。此是渠儂住處住。白髮三千丈。紅
塵六十年。只今無見在。虛費草鞋錢。今古一
輪月。分明印碧霄。門門蟾影白。處處桂香飄。不

起眼中暈。何勞指上標。真空渾照破。歸去杖頭
挑。

王大用作詩以敏捷稱八翰林與李欽叔善從軍
南征二人酬唱甚多大用有詩曰薔花冉冉蜜
脾香禾穗纍纍鵲眼黃一縷晚烟吹不去爲誰
着意護秋霜。欽叔愛之。

王大用九月七日詩曰紫霜零落帶孤禽平楚蒼
蒼秋意深月過初三半梳玉菊迎重九滿籬金

天憐病骨商量煖雲促歸程會計陰風鴈飛來
更瀟洒一枝蘆雪印波心。

麻九疇

字知幾莫州人三歲識字七歲
能草書作大字有及數尺者

麻知幾嘗爲郾城張伯玉賦透光鏡李欽叔傳至
京師趙禮部大加賞異貼壁間坐卧讀之其辭
曰太陰淪魄元不耀太陽分光成二曜嗚呼怪
銅盜此幻透影在壁與背肖奩開燿燿光走庭
劃如剗犀乍脫鞞泓澄秋落百丈潭疑有龍向

天門跳秦娃。漢婉化鴛土。寵雨恩雲埋鳳詔。當年椒塗鑑桃李。身後泉臺映蓬藿。枕簟無情草木香。笙歌不暖臬狐嘯。觸體一醜不再妍。不知持此將安照。萬斛珠璣委傭人。喚得偷兒成鬼剽。借問金椎一控時。何如海上青蠅吊。壽如金石佳且好。此銘此篆兩奇峭。今誰子後曩誰先。贏得紐樞經蟻竅。千古繁華一夢醒。恍然入手稱神妙。丹砂色紫翠羽青。萬金難買人年少。君

侯新自洛陽來。玉臺人物今溫嶠。相看大笑古人癡。收鏡入奩還自笑。

麻知幾冬夜。彈琴有懷山中人。因賦長篇曰。門前雪垂垂。室中理朱絲。手按十三徽。心飛天一涯。故人渺何許。萬里驚鴻飛。試憑朱絲語。一聲聲亦悲。一彈雪欲落。再彈雪正作。只在此山中。故人今憂樂。我欲彈文王。岐山雲渺茫。我欲鼓曾子。無田可耘耔。道遠望不及。千山復萬水。思君

復思君。正恐須髯皤。后夔若不來。奈此宮商何。
春風早晚起。百鳥喧庭柯。時携一尊酒。爲君奏
雲和。

明昌承安間以神童稱者五人。太原常添壽四歲
作詩云。我有一卷經。不用筆寫成。展開無一字。
晝夜放光明。合河劉文榮。滋七歲有詩云。鶯花
新物態。日月老天公。益都劉伯祥。微七歲道陵
召入宮賦鳳凰來儀二首。稱旨。又應制賦春柳

云翠細圓。勻綠線。輕着行排。立弄新晴。更看三
月春風裏。散作飛花滿鳳城。張世傑漢臣五六
歲亦召入賦元妃素羅扇畫梅云。前村消不得
移向月中裁。其後常隱居不出。餘三人者皆無
可稱道。獨知幾能自樹立。一時名重天下。麻知

歲時章宗召見問汝入宮殿中亦懼怯否
對曰君臣父子也子寧懼父耶上大奇之

王子可

本軍校子年三十許大病後忽發狂
父之能把筆作詩文及說世外恍惚

事每遇文士則稱大成將軍于佛前則諦
摩龍什于道則騶天玄俊于貴游則威錦

堂主人

南渡後王南雲居上蔡遂平郟城之間在郟城為
最久麻知幾張伯玉與之游最狎說其所作詩
以百分為率可曉者才二三耳射虎首句云風
色偃貂裘即閣筆自戲云此虎來矣樂府云唾
尖絨舌淡紅甜又自戲云欲下犁舌獄耶張伯玉名
穀臨穎人嘗自言丈夫子娶非尚主官不至宰
相不屑可也家既貴顯厚于奉養擊鮮為具賓
客日滿門窮晝
竟夜卒以樂成

張伯玉家畫慎宮人徐行以手整釵一鶴後隨謂

之馴鶴圖伯玉請王南雲賦詩李欽叔常苦其

不用韵限以釵來苔三字南雲即援筆曰寢處

粧釵未捲釵孤雲花帶月邊來六宮簾幕金鸞

冷露濕晨烟啄翠苔或傳南雲仙去事不可知
其生查子云夜色明河靜

好風來千里水殿謫仙人皓齒清歌起前聲

金箏中後聲銀河底一夜嶺頭雲遠遍樓前水

辭之飄逸高妙如此固謫仙之流亞也

王特起

字正之代州人
泰和三年進士

卷之六十六

王正之賦華山云三峯盤地軸一水落天紳造化
無遺巧丹青總失真閑閑公屢哦此詩以爲妙
有生第三子者王正之製喜遷鶯詞以賀之曰古
今三絕惟鄭國三良漢家三傑三俊才名三儒
文學更有三君清節爭似一門三秀三子三孫
奇特人總道賽蜀郡三蘇河東三薛慶愜况
正是三月風光盃好傾三百子並三賢孫齊三
少俱篤三餘事業文旣三冬足用名卽三元高

揚親俱慶看寵加三命禮膺三接

正之又有喜遷鶯詞別側室云玉樓歡宴記遺簪

綺席題詩羅扇月枕雙歌雲窓同夢相伴小花

深院舊歡頓成陳迹翻作一番新怨素秋晚聽

陽關三疊一樽相餞留戀情纏纏紅淚洗粧

雨濕梨花面鴈底關河馬頭星月西去一程程

遠但願此情如舊天也不違人願再相見老生

涯分付藥爐經卷

鴈底關河元人詞多用之諺所謂鴈飛不到處也有改作

應字者謬



